

গণপ্রজাতন্ত্রী বাংলাদেশ সরকার
তথ্য অধিদফতর
বাংলাদেশ সচিবালয়
ঢাকা

সংবাদ গতিধারা

ঢাকা, বুধবার ২ নভেম্বর ২০১৬, ১৮ কার্তিক ১৪২৩

আজকের দৈনিক পত্রিকাগুলো নিম্নলিখিত বিষয়গুলোকে প্রধান্য দিয়ে খবর ছেপেছে :

- ১। মাদক, সন্ত্রাস ও জঙ্গিবাদ থেকে দূরে থাকতে হবে : যুব দিবসে যুবকদের প্রতি প্রধানমন্ত্রী
- ২। ব্রাহ্মণবাড়িয়ায় হামলায় জড়িত কেউ রেহাই পাবে না : প্রধানমন্ত্রী
- ৩। চলতি অর্থবছর শেষে দেশে ২৫ লাখ করদাতা হবে : আয়কর মেলা উদ্বোধনকালে অর্থমন্ত্রী
- ৪। নীতিমালা ভঙ্গকারী বেসরকারি মেডিকেল কলেজ বন্ধ করা হবে : স্বাস্থ্যমন্ত্রী
- ৫। ইউরোপিয়ান ইউনিয়ন ছাড়লেও যুক্তরাজ্যের সাথে বাংলাদেশের
বাণিজ্যে প্রভাব পড়বে না : বাণিজ্যমন্ত্রী
- ৬। জেএসসি ও জেডিসি পরীক্ষা শুরু : প্রশ্নপত্র ফাঁসের কোনো অভিযোগ নেই
- ৭। প্রধান বিচারপতির বক্তব্যে দ্বিমত পোষণ আইনমন্ত্রীর
- ৮। পুরনো ঢাকা কেন্দ্রীয় কারাগার দর্শনার্থীদের জন্য উন্মুক্ত হচ্ছে আজ
- ৯। ৩৭তম বিসিএস প্রিলিমিনারি পরীক্ষার ফল প্রকাশ
- ১০। রাজধানীতে ভারতীয় অস্ত্র ব্যবসায়ী গ্রেফতার : ১০টি অস্ত্র উদ্ধার

১। **মাদক, সন্ত্রাস ও জঙ্গিবাদ থেকে দূরে থাকতে হবে : যুব দিবসে যুবকদের প্রতি প্রধানমন্ত্রী**

প্রধানমন্ত্রী শেখ হাসিনা যুব সমাজকে সন্ত্রাস, জঙ্গিবাদ ও মাদকাসক্তি থেকে দূরে থেকে নিজস্ব মেধা ও মননকে কাজে লাগিয়ে ব্যক্তি এবং পারিবারিক জীবনকে সুন্দর করার মাধ্যমে দেশের উন্নয়নে সম্পৃক্ত হওয়ার আহ্বান জানিয়েছেন। প্রধানমন্ত্রী বলেন, আমাদের মোট জনসংখ্যার প্রায় এক-তৃতীয়াংশ যুবক। যা পৃথিবীর অনেক দেশেরই নেই। এই ডেমোগ্রাফিক ডিভিডেন্ট পূর্ণ সদ্যবহারকল্পে সৃজনশীল ও উৎপাদনশীল কর্মকাণ্ডে ব্যাপকভাবে সম্পৃক্তকরণের বিকল্প নেই। প্রধানমন্ত্রী এ সময় যুব সমাজকে দেশের প্রাণ এবং উন্নয়ন-অগ্রযাত্রার চালিকা শক্তি বলেও উল্লেখ করেন। প্রধানমন্ত্রী শেখ হাসিনা গতকাল ১ নভেম্বর মঙ্গলবার রাজধানীর ওসমানী স্মৃতি মিলনায়তনে জাতীয় যুব দিবস উপলক্ষে যুব ও ক্রীড়া মন্ত্রণালয় আয়োজিত অনুষ্ঠানমালার উদ্বোধনকালে এ কথা বলেন। সূত্র-সংবাদ (শেষ পৃ.,ক.৪), জনকণ্ঠ (পৃ.১,ক.২), বাংলাদেশ টুডে (শেষ পৃ.,ক.২), অবজারভার (শেষ পৃ.,ক.২)। ভোরের কাগজ, ইনকিলাব, অবজারভারসহ অধিকাংশ পত্রিকা এ বিষয়ে ছবিসহ খবর ছেপেছে।

২। **ব্রাহ্মণবাড়িয়ায় হামলায় জড়িত কেউ রেহাই পাবে না : প্রধানমন্ত্রী**

প্রধানমন্ত্রী শেখ হাসিনা বলেছেন, ব্রাহ্মণবাড়িয়ার নাসিরনগরে সংখ্যালঘু পরিবার ও তাদের মন্দিরে হামলার সঙ্গে জড়িতদের কেউ রেহাই পাবে না। অপরাধী যেই হোক, তাকে খুঁজে বের করতে প্রশাসনকে নির্দেশ দিয়েছেন। কাউকে ছাড় দেওয়া হবে না। এ ঘটনায় যারা জড়িত প্রমাণ পাওয়া গেলে তাদের আইনানুগ সর্বোচ্চ শাস্তি দেওয়া হবে। ধর্ম অবমাননার অভিযোগের সত্যতা পাওয়া গেলে তাকেও শাস্তির আওতায় আনা হবে। গতকাল ১ নভেম্বর মঙ্গলবার নাসিরনগরে সংখ্যালঘু পরিবার ও তাদের মন্দিরে হামলার স্থান পরিদর্শন শেষে আওয়ামী লীগের প্রতিনিধি দল গণভবনে রিপোর্ট দিতে গেলে প্রধানমন্ত্রী এসব কথা বলেন। সূত্র-জনকণ্ঠ (পৃ.১,ক.৮),

৩। **চলতি অর্থবছর শেষে দেশে ২৫ লাখ করদাতা হবে : আয়কর মেলা উদ্বোধনকালে অর্থমন্ত্রী**

বর্তমানে দেশে প্রায় ১৩ লাখ করদাতা রয়েছে, চলতি অর্থবছর শেষে দেশে প্রায় ২৫ লাখ করদাতা হবে বলে জানিয়েছেন অর্থমন্ত্রী। চলতি অর্থবছরের প্রথম চার মাসে সাড়ে তিন লাখ নতুন করদাতা তৈরি হয়েছে বলেও তিনি জানান। গতকাল ১ নভেম্বর রাজধানীর আগারগাঁওয়ে নির্মাণাধীন জাতীয় রাজস্ব ভবনে জাতীয় আয়কর মেলার উদ্বোধন অনুষ্ঠানে তিনি এ কথা বলেন। সূত্র-ইনকিলাব (শেষ পৃ.,ক.৮), ভোরের কাগজ (শেষ পৃ.,ক.৬), বাংলাদেশ টুডে (শেষ পৃ.,ক.৫), অবজারভার (পৃ.১,ক.৬)। জনকণ্ঠ এ বিষয়ে লিড নিউজ ছেপেছে।

৪। **নীতিমালা ভঙ্গকারী বেসরকারি মেডিকেল কলেজ বন্ধ করা হবে : স্বাস্থ্যমন্ত্রী**

নীতিমালা ভঙ্গকারী বেসরকারি মেডিকেল কলেজ ও হাসপাতাল পর্যায়ক্রমে বন্ধ করা হবে বলে জানিয়েছেন স্বাস্থ্যমন্ত্রী মোহাম্মদ নাসিম। সরকারি নীতিমালা না মানায় বিভিন্ন সময়ে ইতোমধ্যে চারটি বেসরকারি মেডিকেল কলেজ বন্ধ করে দেওয়া হয়েছে। আরও কয়েকটি কলেজকে শর্ত পূরণ করার সময় বেঁধে দেওয়া হয়েছে। বেসরকারি মেডিকেল কলেজগুলো সরকারী নীতিমালা মেনে চলছে কিনা তা দেখা হচ্ছে। গতকাল ১ নভেম্বর ঢাকা রিপোর্টার্স ইউনিটিতে চারদিনব্যাপী স্বাস্থ্যসেবা ক্যাম্পের উদ্বোধন অনুষ্ঠানে স্বাস্থ্যমন্ত্রী এ কথা বলেন। সূত্র-জনকণ্ঠ (পৃ.৩,ক.৪), ইন্ডেফাক (শেষ পৃ.,ক.৬), ভোরের কাগজ (শেষ পৃ.,ক.৪), সংবাদ (শেষ পৃ.,ক.৪)।

৫। **ইউরোপিয়ান ইউনিয়ন ছাড়লেও যুক্তরাজ্যের সাথে বাংলাদেশের বাণিজ্যে প্রভাব পড়বে না : বাণিজ্যমন্ত্রী**

ইউরোপিয়ান ইউনিয়ন থেকে যুক্তরাজ্য বেরিয়ে গেলেও বাংলাদেশের সাথে চলমান বাণিজ্যে কোনো ধরনের প্রভাব পড়বে না বলে জানিয়েছেন বাণিজ্যমন্ত্রী তোফায়েল আহমেদ। তিনি বলেন, যুক্তরাজ্য বাংলাদেশে স্পেশাল ইকোনমিক জোনে সরাসরি বিনিয়োগের আগ্রহ প্রকাশ করেছে। বিশেষ করে বাংলাদেশের তৈরি পোশাক শিল্প, কৃষিভিত্তিক শিল্পে যুক্তরাজ্য সরাসরি বিনিয়োগ করতে চায়। গতকাল ১ নভেম্বর মঙ্গলবার সচিবালয়ে বাংলাদেশে সফররত যুক্তরাজ্য ডিএফআইডি'র মহাপরিচালক ডেভিড কেনেডির নেতৃত্বে ঢাকায় নিযুক্ত যুক্তরাজ্যের রাষ্ট্রদূত আলিসন ব্লাকসহ পাঁচ সদস্যের প্রতিনিধি দলের সঙ্গে বৈঠক শেষে বাণিজ্যমন্ত্রী এ কথা বলেন। সূত্র-ইন্ডেফাক (পৃ.১৫,ক.৮), সমকাল (পৃ.১২,ক.৩), ডেইলি সান (শেষ পৃ.,ক.১)।

৬। জেএসসি ও জেডিসি পরীক্ষা শুরু : প্রশ্নপত্র ফাঁসের কোনো অভিযোগ নেই

জুনিয়র স্কুল সার্টিফিকেট (জেএসসি) ও জুনিয়র দাখিল সার্টিফিকেট (জেডিসি) পরীক্ষা গতকাল ১ নভেম্বর মঙ্গলবার থেকে শুরু হয়েছে। প্রথম দিনে সারাদেশে ৫৯ হাজার ৬৬১ জন পরীক্ষার্থী অনুপস্থিত ছিল। আর পরীক্ষায় অসদুপায় অবলম্বনের দায়ে ৯ শিক্ষা বোর্ডের ১৪ জন পরীক্ষার্থী ও এক কক্ষ পরিদর্শককে বহিষ্কার করা হয়েছে। গত বারের মতো এবারও প্রশ্নপত্র ফাঁসের কোনো অভিযোগ ওঠেনি। গতকাল ১ নভেম্বর মঙ্গলবার সকাল সাড়ে ৯টায় রাজধানীর ধানমন্ডি সরকারি বালক উচ্চ বিদ্যালয় কেন্দ্র পরিদর্শনে যান শিক্ষামন্ত্রী। এ সময় কেন্দ্রের সামনে উপস্থিত অভিভাবকদের সঙ্গে পাবলিক পরীক্ষার প্রশ্নপত্র ফাঁস প্রসঙ্গে শিক্ষামন্ত্রী বলেন, প্রশ্ন ফাঁস রোধে ইতোমধ্যে আমরা ব্যবস্থা নিয়েছি। আশা করি আর প্রশ্ন ফাঁস হবে না। সূত্র-সমকাল (পৃ.১,ক.৮), সংবাদ (পৃ.১,ক.৬), বাংলাদেশ টুডে (পৃ.১,ক.৮), অবজারভার (পৃ.১,ক.১)।

৭। প্রধান বিচারপতির বক্তব্যে দ্বিমত পোষণ আইনমন্ত্রীর

‘দ্বৈত শাসনের ফলে বিচার বিভাগের কাজে ধীর গতি’ প্রধান বিচারপতির দেওয়া এ বক্তব্যের সঙ্গে দ্বিমত পোষণ করেছেন আইনমন্ত্রী আনিসুল হক। গতকাল ১ নভেম্বর মঙ্গলবার সচিবালয়ে এক প্রেস ব্রিফিংয়ে তিনি এ কথা জানান। আইনমন্ত্রী বলেন, প্রধান বিচারপতির বাণী আমি দেখেছি ও পড়েছি। তার বক্তব্যের সঙ্গে দ্বিমত পোষণ করে বলছি, সরকার বিচার বিভাগের কোনো কাজে হস্তক্ষেপ করেনি, ভবিষ্যতেও করবে না। সূত্র-সমকাল (শেষ পৃ.,ক.৫), ইত্তেফাক (পৃ.১,ক.৫), বাংলাদেশ টুডে (পৃ.১,ক.৫), অবজারভার (পৃ.১,ক.২)।

৮। পুরনো ঢাকা কেন্দ্রীয় কারাগার দর্শনার্থীদের জন্য উন্মুক্ত হচ্ছে আজ

পুরনো ঢাকা কেন্দ্রীয় কারাগারের ২২৮ বছরের ইতিহাস দেখতে আজ বুধবার থেকে কারা অভ্যন্তরে প্রবেশ করতে পারবেন দর্শনার্থীরা। গতকাল ১ নভেম্বর মঙ্গলবার কারা অভ্যন্তরে অর্থমন্ত্রী আবুল মাল আবদুল মুহিত বঙ্গবন্ধু এবং জাতীয় ৪ নেতার দুর্লভ আলোকচিত্র প্রদর্শনী ‘সংগ্রামী জীবন গাথা’ উদ্বোধন করেন। এই প্রদর্শনীতে বঙ্গবন্ধু ও জাতীয় ৪ নেতার দুর্লভ আলোকচিত্র এবং ১২ মিনিটের একটি প্রামাণ্য চিত্র তুলে ধরা হয়েছে। আজ ২ নভেম্বর বুধবার থেকে আগামী ৫ নভেম্বর শনিবার পর্যন্ত দর্শনার্থীদের জন্য বঙ্গবন্ধু এবং জাতীয় ৪ নেতার বন্দি জীবন কাটানো ভবনগুলো উন্মুক্ত রাখা হবে। এ ছাড়া দর্শনার্থীরা ১০০ টাকার টিকিটের বিনিময়ে কারাগারে গিয়ে হাতে লেখা ঐতিহাসিক চিঠি, বঙ্গবন্ধুর ব্যবহৃত চেয়ারসহ বিভিন্ন রাষ্ট্রপ্রধান ও নেতাদের সঙ্গে সব দুর্লভ ছবি দেখতে পাবেন। সূত্র-ভোরের কাগজ (পৃ.৩,ক.১), সমকাল (পৃ.৩,ক.৬), সংবাদ (শেষ পৃ.,ক.৬), ইত্তেফাক (পৃ.১,ক.১)।

৯। ৩৭তম বিসিএস প্রিলিমিনারি পরীক্ষার ফল প্রকাশ

৩৭তম বিসিএসের প্রিলিমিনারি পরীক্ষার ফল প্রকাশ করেছে সরকারি কর্মকমিশন (পিএসসি)। এতে লিখিত পরীক্ষার জন্য যোগ্য বিবেচিত হয়েছেন আট হাজার ৫২৩ জন চাকরিপ্রার্থী। গতকাল ১ নভেম্বর মঙ্গলবার পিএসসির এক সংবাদ বিজ্ঞপ্তিতে ফল প্রকাশের তথ্য জানানো হয়। সূত্র-সংবাদ (শেষ পৃ.,ক.২), ইত্তেফাক (পৃ.১,ক.৪), বাংলাদেশ টুডে (পৃ.৩,ক.১), অবজারভার (পৃ.২,ক.১)।

১০। রাজধানীতে ভারতীয় অস্ত্র ব্যবসায়ী গ্রেফতার : ১০টি অস্ত্র উদ্ধার

রাজধানী থেকে গ্রেফতার হয়েছে এক ভারতীয় অস্ত্র ব্যবসায়ী। খায়রুল ইসলাম মন্ডল ওরফে শরিফুল ইসলাম নামে এ ব্যবসায়ীকে গত ৩১ অক্টোবর সোমবার রাতে গাবতলী বাসস্ট্যান্ড থেকে গ্রেফতার করে মহানগর গোয়েন্দা পুলিশ। তার কাছ থেকে উদ্ধার করা হয়েছে ৬টি বিদেশি পিস্তল, ৪টি বিদেশি ওয়ান শুটার, ১২টি ম্যাগাজিন ও ৩৫ রাউন্ড গুলি। গতকাল ১ নভেম্বর মঙ্গলবার ডিএমপি মিডিয়া সেন্টারে এক সংবাদ সম্মেলনে এ তথ্য জানান যুগ্ম কমিশনার (ডিবি) আবদুল বাতেন। সূত্র-ইত্তেফাক (শেষ পৃ.,ক.৬), জনকণ্ঠ (পৃ.১,ক.৫), অবজারভার (পৃ.১,ক.৬), ডেইলি সান (পৃ.১,ক.১)।

সম্পাদকীয়

- ক. **ইণ্ডেফাক** : ভিক্ষুক পুনর্বাসনে পল্লি কর্ম-সহায়ক ফাউন্ডেশনের সমৃদ্ধি কর্মসূচির মতো বিভিন্ন এনজিও এবং সামর্থ্যবান ব্যক্তিদের নানাবিধ পদক্ষেপ গ্রহণের দ্বারা বহু ভিক্ষুককে পুনর্বাসন করা সম্ভব হবে বলে অভিমত।
- খ. **সংবাদ, ইনকিলাব** : সংবিধানের ১০৯ অনুচ্ছেদ ও ১১৬ অনুচ্ছেদের কারণে বিচার বিভাগে দ্বৈত শাসন অবস্থা সৃষ্টি হয়েছে বলে প্রধান বিচারপতির অভিমত সরকার ইতিবাচকভাবে গ্রহণ করবেন বলে প্রত্যাশা।
- গ. **জনকণ্ঠ, ইনকিলাব, ভোরের কাগজ, নিউজ টুডে, ইন্ডিপেনডেন্ট, অবজারভার, ডেইলি সান** : ব্রাহ্মণবাড়িয়ার নাসিরনগর উপজেলা ও হবিগঞ্জের মাধবপুর এবং মাগুড়ার মোহাম্মদপুরে হিন্দু সম্প্রদায়ের ধর্মীয় প্রতিষ্ঠান ও বাড়ি-ঘরে হামলার ঘটনায় জড়িত প্রকৃত দোষীদের দ্রুত গ্রেফতার ও বিচারের ব্যবস্থা করার সুপারিশ।
- ঘ. **প্রথম আলো** : বেসরকারি ব্যাংকের উদ্যোক্তারা বর্তমান ব্যাংক কোম্পানি আইনের সংশোধনের যে দাবি তুলেছেন তা অযৌক্তিক ও অগ্রহণযোগ্য বলে অভিমত।
- ঙ. **যুগান্তর** : সৌদি আরবের শ্রমবাজারে সরকারিভাবে জনশক্তি রপ্তানি বন্ধে অপতৎপরতা চালানো সিডিকেটের বিরুদ্ধে সরকারকে কঠোর হওয়ার সুপারিশ।
- চ. **ইন্ডিপেনডেন্ট** : শিক্ষা জীবন শেষে তরণীদের পোলট্রি ফার্মিং, ডেইরি ফার্মিং, পিসিকালচার, নার্সারি ও এপিকালচার প্রভৃতি নানাবিধ কর্মকাণ্ডে জড়িত হয়ে স্বাবলম্বী হওয়ার কাজে যুব ও ক্রীড়া মন্ত্রণালয়কে অগ্রণী ভূমিকা পালনের আহ্বান।
- ছ. **ডেইলি সান** : শিশু নির্যাতনের ঘটনার দ্রুত তদন্ত করে দোষীদের কঠোর শাস্তি প্রদানের ব্যবস্থা করলে শিশু নির্যাতনের ঘটনা হ্রাস পাবে বলে প্রত্যাশা।
- জ. **ডেইলি স্টার** : নির্বাচন কমিশনকে সকল বিতর্কের ঊর্ধ্বে রাখতে প্রয়োজনে নতুন করে আইন প্রবর্তনের ওপর গুরুত্বারোপ।
- ঝ. **নিউ এজ** : দেশের বিভিন্ন শহরে বায়ু দূষণের মাত্রা স্বাভাবিক মাত্রায় চেয়ে অনেক বেশি উল্লেখ করে কর্তৃপক্ষকে অতি দ্রুত এ বিষয়ে পদক্ষেপ নেওয়ার সুপারিশ।

উপ-সম্পাদকীয়

সংবাদ পত্রিকায় প্রকাশিত কলামে কৃষি প্রযুক্তির বিকাশে ব্যাংক ঋণ নীতিমালায় প্রয়োজনীয় পরির্তন ও সংস্কার করতে হবে বলে উল্লেখ করা হয়েছে।

নিবন্ধ ও ফিচার

ইনকিলাব পত্রিকায় প্রকাশিত 'সংস্কৃতির দিকে নজর দিতে হবে' শিরোনামের নিবন্ধে মো. এনামুল হক খান গ্রামে সংস্কৃতি চর্চা নিশ্চিত করলে শিক্ষিতের হার বাড়বে। প্রযুক্তি জ্ঞানসম্পন্ন মানুষের সংখ্যা বাড়বে। এতে করে মুক্ত চিন্তার মানুষের সংখ্যা বাড়বে বলে অভিমত প্রকাশ করেছেন।

#

শুকলা/মরজিনা/রশীদ/২০১৬/৯.০০ ঘণ্টা